



HÁSKÓLINN Á BIFRÖST  
BIFRÖST UNIVERSITY

# Grunnnám

FIMMTUDAGUR 1. JÚNÍ 2017

Kynning á grunnnámi við Háskólann á Bifröst

## Hagnýtt og framsækið námsframboð

Fjölbreytt BA- og BS-nám er í boði við viðskipta-, laga- og félagsvísindadeild.

Viðskiptanám á Bifröst snýst um að láta drauma sína rætast. ➔2



Þverfagleg gráða í heimspeki, hagfræði og stjórnmálafræði gefur öfluga sýn á þjóðfélagsþróunina. ➔3



Laganemar taka þátt í samstarfsverkefni margra virtustu lagadeilda í heimi. ➔4





# Býr nemendur undir ábyrgðar-, forystu- og stjórnunarstörf

## BS-nám í viðskiptafræði í staðnámi eða sveigjanlegu fjarnámi

Flestir nemendur við Háskólann á Bifröst stunda nám við viðskiptadeildina en í BS-náminu er bæði boðið upp á staðnám og fjarnám. Nemendur geta því annaðhvort búið á Bifröst í afar fallegu og nærandi umhverfi eða verið í fjarnámi og notið þá Bifrastar á sérstökum vinnuhelgum. Staðnám og fjarnám er þó samþætt með þeim hætti að fyrirlestrar og kennsluefni í hverju námskeiði er aðgengilegt á kennsluvef og þannig geta nemendur skipulagt tíma sinn mun betur," segir Sigurður Ragnarsson, forseti viðskiptadeildar.

„Námið er kennt í sjö vikna lotum og vendikennslan sem við bjóðum upp á hentar bæði stað- og fjarnemum. Allir nemendur fá sömu fyrirlestrana sem birtast á kennsluvef og því eru staðnáms- tímar sem og vinnuhelgar nýttar sérstaklega til að vinna með efnið. Margir BS-nemar stunda námið með vinnu enda geta þeir stýrt sínum námshraða og valið hvað þeir taka mörg námskeið hverju sinni. Bakgrunnur nemenda er afar

fjölbreyttur og mikið er lagt upp úr hópavinnu sem skilar sér í verðmætri reynslu sem hjálpar einnig til við tengslamyndun.“

### Snýst um að láta drauma sína rætast

„Háskólinn á Bifröst hefur haft það sem meginmarkmið frá stofnun að mennta ábyrga leiðtoga fyrir atvinnulíf og samfélag. Við erum með frábæra kennara og starfsfólk til að aðstoða og vinna með nemendum til að þeir geti eft sig og aukið færni sína. Ég segi að þetta snúist um að láta drauma sína rætast. Við viljum hjálpa fólki til að ná þangað sem það stefnir og í raun fylgja því út lífið því það hefur sýnt sig að Bifrestingar standa saman áfram og tengslanetið sem myndast á Bifröst er ómetanlegt. Í þessu samhengi er mikilvægt að nemendur fá afburðagott nám á Bifröst og persónulega þjónustu þar sem hver og einn fær tækifæri til að blómstra," segir Sigurður.

### Ólíkar áherslur

Við viðskiptadeild Háskólans á Bifröst er í boði BS-nám með þrenns konar ólíkum áherslum; markaðs-samskipti, ferðaþjónusta eða þjónustufræði.



„Nemendur geta annaðhvort búið á Bifröst í afar fallegu og nærandi umhverfi eða verið í fjarnámi," segir Sigurður Ragnarsson, forseti viðskiptadeildar.



Afar hagstæður leigumarkaður er á Bifröst og alla helstu þjónustu er að finna í nærumhverfinu.

## Samfélagslega ábyrgir leiðtogar

Háskólinn á Bifröst er í fararbroddi í fjarnámi og er slíkt frábær kostur fyrir þá sem vilja verða sér úti um hagnýta menntun hvar sem þeir eru staddir á lífsleiðinni. Um leið gefst nemendum einnig kostur á að búa í fallegu og hlýlegu umhverfi háskólaþorpsins með samheldnum hópi einstaklinga. Afar hagstæður leigumarkaður er á Bifröst og alla helstu þjónustu er að finna í nærumhverfinu s.s. líkamsrækt, verslun, bókasafn og skóla.

Markmiðið með öllu námi við Háskólann á Bifröst er að mennta samfélagslega ábyrga leiðtoga og búa nemendur sem best undir atvinnulífið með hagnýtum verk-

efnum og hópavinnu. Allt nám við Háskólann á Bifröst er kennt í lotubundinni vendikennslu sem er þannig uppbyggð að nemendur fá fyrirlestra á rafrænu formi og sækja síðan umræðu- og verkefnatíma með kennurum.

Eitt af aðalsmerkjum BA- og BS-náms við Háskólann á Bifröst eru misserisverkefni sem nemendur vinna að í hópum tvisvar sinnum á námsferli sínum. Verkefni eru unnin þvert á fagsvið og fá nemendur í tengslum við þau kennslu í verkefnastjórnun og videigandi faglega handleiðslu sérfræðings. Áhersla er lögð á að tengja verkefni við raunverulegar áskoranir atvinnulífs og samfélags.

## Fjölbreytt úrval markaðsfræðiáfangna

Í meira en áratug hefur BS-nám með áherslu á markaðssamskipti á Bifröst verið í sérflökki á Íslandi með fjölbreyttu úrvali markaðsfræðiáfangna og þetta hefur verið vinsælasta BS-námið á Bifröst. Þá hefur ferðaþjónustan blómstrað á Íslandi og er mikilvægt að viðhafa fagmennsku þar á öllum sviðum. „Með BS-námi með áherslu á ferðaþjónustu erum við því að þjóna kalli markaðarins og leggja af mörkum til meiri fagmennsku þar sem það er lífs-spursmál að okkur takist vel til á þessu sviði. Þessi áhersla hefur verið í boði í nokkur ár og námið hefur vaxið og styrkst mikið," segir Sigurður Ragnarsson. Í BS-námi í viðskiptadeild er einnig boðið upp á sérhæfingu á sviði þjónustufræða en þessi námslina er fyrir þá sem vilja sérstaklega sérhæfa sig og helga sig þjónustufræðum og þar er í mörg horn að líta. „Í dag er ekki hægt að stunda viðskipti án þess að bjóða upp á þjónustu og þess vegna skiptir öllu að þessir hlutir séu í lagi og séu vel skipulagðir og alls ekki tilviljanakenndir. Í þessu eins og öðru skilar fagmennska og metnaður árangri," bætir Sigurður við.

„Ég mæli með námi í viðskiptafræði með áherslu á ferðaþjónustu fyrir þá sem vilja starfa og stjórna innan ferðaþjónustu. Mörg góð stjórnunarfög eru innan námsins sem er kannski lykill að því að okkur takist að gera góða ferðaþjónustu enn betri. Fjarnámið hefur reynst mér vel og við nemendur eigum í góðum samskiptum við kennarana, sem hafa mikla þekkingu og hugsjón fyrir ferðaþjónustunni.

Unnur Steins-son, hóteltjóri Hótel Fransiskus og nemandi í viðskiptafræði með áherslu á ferðaþjónustu



Námið nýtist mikið í minni vinnu, sama hvort það er á bloggginu eða í sjónvarpinu. Það er gríðarlega mikilvægt fyrir mig að geta nálgast og lært af kennurum sem hafa menntun og reynslu í faginu og geta nýtt mér það í mínum daglegu störfum. Fjarnám er frábær leið til að geta stundað bæði vinnu og nám, þetta er alveg gerlegt þannig að ég hvet alla til að mennta sig.

Eva Laufey Kjaran Hermannsdóttir, dagskrárgerðarkona og nemandi í viðskiptafræði með áherslu á markaðssamskipti





# Þverfagleg gráða í heimspeki, hagfræði og stjórnmálafræði

Einstakt nám fyrir þá sem hafa áhuga á efnahagsmálum, viðskiptum og stjórnmálum.

Við félagsvísindadeild hefur í rúman áratug verið í boði BA-nám í heimspeki, hagfræði og stjórnmálafræði (HHS). Námið er uppsett að erlendri fyrirmynd, einkum frá Oxford-háskóla í Bretlandi en margir þarlendir forsætisráðherrar hafa lokið slíkrri gráðu. Námið er þó alls ekki bundið þeim sem hyggja á stjórnmála starf og hérlendis hafa margir útskrifaðir nemendur skapað sér starfsframa í fjölmiðlum, stofnað og starfað hjá stórum fyrirtækjum, starfað innan stjórnsýslunnar eða farið utan og starfað hjá alþjóða-fyrirtækjum.

## Forysta í samfélagi og viðskiptalífi

„Hugmyndin með náminu er sú að gera nemendum kleift að skilja hið flókna gangverk samfélagsins og þjóðfélagsþróunar. Til þess duga í raun ekki aðeins greiningartæki hvers fræðasviðs fyrir sig heldur gefur gleggri mynd að beita öllum þessum þremur sjónarhornum,

heimspeki, hagfræði og stjórnmálafræði, með samfléttuðum hætti. Þetta passar gríðarlega vel við þá áherslu á Bifröst að samflétta forystu í samfélagi og viðskiptalífi og er í raun það sem kristallast í þessari gráðu. Til að verða farsæll í viðskiptum getur t.a.m. verið gott að hafa tæki sem gera þér kleift að greina þjóðfélagsþróunina. Þetta er einstakt nám fyrir þá sem hafa áhuga á efnahagsmálum, viðskiptum og stjórnmálum. Það gefur ekki aðeins einstaka heldur einnig öfluga sýn á þjóðfélagsþróunina, opnar dyr til svo margra áhugaverðra átta í framhaldinu og skapar fleiri tækifæri en flest önnur fög í félagsvísindum,“ segir Eiríkur Bergmann, prófessor í stjórnmálafræði við félagsvísindadeild.

Í náminu eru kennd grundvallaratriði í hagfræði, stjórnmálafræðilegri greiningu og heimspekilegri hugsun en einnig eru námskeið innan þess sem eru þverfagleg greining á það sem er að gerast hverju sinni t.a.m. efnahagspólitik, kynjapólitik, Norðurslóðamálefni eða þjóðernishyggju. Eiríkur tekur sem dæmi að ef fólk vilji reyna að skilja flóttamannastrauminn, líkt og hann hefur blasað við undanfarin ár, þá dugi ekki að skoða þau átök sem hafa skapast í kringum málefnið eingöngu út frá efnahagsástæðum, ríkjapólitik, stríðsrekstri eða út frá siðferðilegum álitamálum um manngildi heldur verði að flétta þessa þætti saman og ná þannig heildstæðri sýn á þennan vanda til að skilja hann og HHS sé hugsað sem nám sem veiti tæki til einmitt þess.

## Samfélagslega þenkjandi hópur

Nemendur segir Eiríkur koma úr



BA-nám í heimspeki, hagfræði og stjórnmálafræði (HHS) er einstakt nám sem gefur ekki aðeins einstaka heldur einnig öfluga sýn á þjóðfélagsþróunina.



Eiríkur Bergmann, prófessor í stjórnmálafræði við félagsvísindadeild.

» Hugmyndin er að gera nemendum kleift að skilja hið flókna gangverk samfélagsins og þjóðfélagsþróunar. Til þess duga ekki aðeins greiningartæki hvers fræðasviðs. Gleggri mynd gefur að beita öllum þremur sjónarhornum, heimspeki, hagfræði og stjórnmálafræði.

öllum áttum en oftast eigi þeir sameiginlegt að vera samfélagslega þenkjandi fólk sem hafi áhuga á þjóðfélagi og efnahagslífi. Nemendur í HHS fara gjarnan í skiptinám og segir Eiríkur smæð

Háskólans á Bifröst þar vera mikinn styrk en kennarar hafa getað hjálpað nemendum á einstaklingsgrunni að komast inn í marga af bestu skólum heims.

„Það er skemmtilegast að sjá nemendur öðlast gagnrýna hugsun og byrja að beita henni. Það er ekkert eins nærandi fyrir kennarann eins og skarpur nemandi sem getur ögrað því sem kennarinn hefur að segja og tekist á við hann í rökræðum og með gagnrýninni nálgun. Það eru oft langbestu kennslustundirnar þegar rökræðan kemst á ákveðið flug og við höfum átt mjög marga virkilega góða nemendur sem hafa orðið sífellt öflugri í þeirri rökræðu,“ segir Eiríkur að lokum.

## Stundar nám í miðlun og almannatengslum frá Barcelona

Háskólinn á Bifröst er í fararbroddi í fjarnámi og er allt BA- og BS-nám í boði í fjarnámi. Marta Rún Ársælsdóttir er meðal fjarnema háskólans en hún stundar BA-nám í miðlun og almannatengslum í fjarnámi frá Barcelona þar sem hún er búsett.

BA-nám í miðlun og almannatengslum er ný tegund af námi hér á landi sem miðar að því að búa nemendur undir þátttöku á vinnu-markaði sem gerir æ ríkari kröfur um þekkingu og fagleg vinnubrögð er lúta að samskiptum við fjölmiðla, fyrirtæki, einstaklinga og stofnanir. Námið byggir á breiðum grunni hug- og félagsvísinda og er tilvalið fyrir einstaklinga sem hafa áhuga á að starfa á sviði fjölmiðlunar eða almannatengsla, í opinberri stjórnsýslu, fyrir frjáls félagasamtök, stjórnmálaflokka, stofnanir og fyrirtæki af ýmsum toga.

„Með náminu rek ég lífsstílsvefinn femme.is ásamt hópi ungra kvenna þar sem finna má umfjöllun um ýmislegt er varðar okkar áhugamál s.s. mat, hönnun og ferðalög. Við skrifu myndast samstarf við fyrirtæki í formi



Marta Rún Ársælsdóttir býr í Barcelona og er í fjarnámi við Háskólann á Bifröst.

kynninga og auglýsinga og þar tengjast vinnan og námið en hluti þess er að læra að koma hugmyndum, vörum og fólk á framfæri. Námið er mjög viðtækt og mun nýttast mjög vel til starfa sem tengjast mínum áhugasviðum sem eru fólk, listir, hönnun, vörumerki

» Með náminu rek ég lífsstílsvefinn femme.is ásamt hópi ungra kvenna.

og markaðsfræði. Fjarnámið var ein ástæða þess að ég valdi Bifröst og það hentar mér fullkomlega svo og lotukerfið. Fjarnámið er vissulega krefjandi en um leið er mjög gaman að koma á vinnuhelgar og hitta bæði nemendur og kennara,“ segir Marta Rún.

» Ég valdi BA-nám í heimspeki, hagfræði og stjórnmálafræði því mér fannst mig vanta ákveðna þekkingu og skilning á grunnhugtökum sem maður heyrði í fréttum og langaði að skilja hvernig samfélagið virkar. Hagfræðin og stjórnmálafræðin skiludu mér því og leiddu mig út í stjórnmál síðar meir. Í raun situr heimspekin, sem ég vanmat til að byrja með, mest í mér úr náminu, í henni lærði maður að takast á við allar spurningar með opnum huga og gera sér grein fyrir að það er ekki til neitt eitt, rétt svar.

Brynhildur S. Björnsdóttir, framkvæmdastjóri CG Verk ehf. og formaður Stjórnar Sjúkratrygginga Íslands, BA í heimspeki, hagfræði og stjórnmálafræði 2007.



# Viðskiptafræði og lögfræði fléttuð saman í eitt

Fjölbreytt og krefjandi grunnám í viðskiptalögfræði sem þjónar hagsmunum atvinnulífsins einkar vel.

BS-námi í viðskiptalögfræði fléttast saman tvær hagnýtar námsgreinar þannig að úr verður fjölbreytt og krefjandi grunnám sem þjónar hagsmunum atvinnulífsins einkar vel. Megináhersla er lögð á kjarnagreinar lögfræðinnar en jafnframt þær greinar viðskiptafræðinnar

sem tengjast rekstri, upplýsingatækni og fjármálum. Fyrir vikið fá nemendur breiðari grunnmenntun en ella. Útskrifaðir nemendur hafa meðal annars haslað sér völl í fjármálafyrirtækjum, hjá endurskoðunar- og ráðgjafarfyrirtækjum og á lögmannsstofum og fasteignasölum.

## Öflugt erlent samstarf

Lagadeild Háskólans á Bifröst tekur þátt í LawWithoutWalls sem er samstarfsverkefni margra virtustu lagadeilda í heimi eins og Harvard, Stanford University og University of Miami. Háskólinn á Bifröst hefur tekið þátt í verkefninu frá árinu 2013 og sendir árlega laganema utan til að taka þátt.

Tilgangur verkefnisins er að nemendur noti þekkingu sína á lögfræði, í bland við reynslu af öðrum sviðum, til að auðvelda aðgengi að lögfræðipjónustu með aðstoð tækninnar. Sem dæmi um slíkt verkefni sem unnin hafa verið má nefna snjallsímaforrit sem auðveldar flóttafólki frá Sýrlandi að sækja sér lögfræðiaðstoð, heimasíða sem útbýr hagkvæma rafræna samninga fyrir smáfyrirtæki og snjallsímaforrit sem auðveldar

Nemendur frá Háskólanum á Bifröst hafa reynst einstakir leiðtogar, lausnamiðaðir og skapandi í hugsun. Þá hafa þeir framúrskarandi skilning á tengingu viðskipta og lögfræði í alþjóðaviðskiptum nútímans.

Michele DeStefano, prófessor við Lagadeild University of Miami og Harvard Háskóla og stofnandi LawWithoutWalls, og Erika Pagano, framkvæmdastjóri LawWithoutWalls.

verkað fólk að tilkynna um brot á réttindum þeirra.

Helga Kristín Auðunsdóttir, lektor við lagadeild og doktorsnemi í lögfræði við Fordham University í New York, hefur haldið utan um verkefnið og einnig verið liðsstjóri. Hún segir nemendur frá Háskólanum á Bifröst hafa fengið mikið hrós frá skipuleggjendum þar sem



Útskrifaðir lögfræðingar frá Háskólanum á Bifröst hafa haslað sér völl m.a. í fjármálafyrirtækjum, á lögmannsstofum og hjá ráðgjafarfyrirtækjum.

þeir þyki vandvirkir, fljótir að til-einka sér ný vinnubrögð og sýna frumkvæði þegar komi að því að leysa úr álitaefnum. Þátttakendur tengjast öflugum tengslaneti lögfræðinga víðsvegar um heiminn og er ómetanlegt tækifæri fyrir nemendur frá Háskólanum á Bifröst að öðlast dýrmæta reynslu í alþjóðlegu samstarfi.

Lagadeild Háskólans á Bifröst tekur þátt í LawWithoutWalls sem er samstarfsverkefni margra virtustu lagadeilda í heimi.

Uppbygging námsins og þessi mikla hópavinna, sem lögð er áhersla á innan þess, hefur gefið mér góða samskiptahæfni og fyrir vikið tel ég mig umburðarlyndari og sterkari sem einstakling. Þarna var kominn saman hópur kraftmikilla og metnaðarfullra nemenda sem hafa áhuga á að ná árangri og slíkt umhverfi er aðlaðandi fyrir hvaða nemanda sem er. Með því að fá að velta hlutunum fyrir sér og spyrja spurninga nær maður utan um náms-efnið á árangursríkan hátt.



Hanna Björg Konráðsdóttir lauk BS- og ML-gráðu í viðskiptalögfræði frá Háskólanum á Bifröst og útskrifaðist árið 2014. Hún starfar í dag sem lögfræðingur hjá Orkustofnun og þá helst á sviði alþjóðlegra verkefna sem stofnunin tekur þátt í.

## Þak yfir höfuðið – stíðuðu fyrsta skrefið

Á Bifröst er hagkvæm húsaleiga í boði fyrir þá sem vilja búa og stunda nám í einstakri náttúrufegurð og rólegu umhverfi. Húsnæði er í boði bæði fyrir einstaklinga og fjölskyldur. Einstaklingsherbergi með sameiginlegri aðstöðu kostar frá tæplega 50.000 kr. á mánuði og fjölskylduíbúðir frá um 80.000 kr. Innifalið í húsaleigu er hiti og rafmagn, aðgangur að interneti, innlendum og erlendum sjónvarpsstöðvum og líkamsrækt.



Fjölskylduvænt samfélag.

Það er skemmtilegt að búa á Bifröst og þar kynnist þú bæði samnemendum þínum og kennurum mjög vel. Hér er nóg í boði fyrir þá sem vilja gleði og glaum en einnig er hægt að lifa mjög rólegu lífi á Bifröst. Náttúrufegurðin er einstök og staðurinn er fullkominn fyrir þá sem hafa áhuga á útivist eða hreyfingu almennt, enda aðgangur að líkamsrækt innifalinn í skólagjöldum.

Teitur Erlingsson, nemi við félagsvísindadeild

Ég er í fjarnámi en flutti samt með alla fjölskylduna á Bifröst sem segir mikið um staðinn. Ég á fjögur börn og það er frábært umhverfi á Bifröst til að ala upp börn og frábær leikskóli og skóli í boði fyrir þau.

Hródný Kristjánsdóttir, nemi við félagsvísindadeild

## Mótaðu þína framtíð á Bifröst

Spennandi og framsækið námsframboð og nútíma kennsluhættir í einstöku námsumhverfi

### BS í viðskiptafræði

- með áherslu á markaðssamkipti
- með áherslu á ferðaþjónustu
- með áherslu á þjónustufræði

### BS í viðskiptalögfræði

### BA í heimspeki, hagfræði og stjórnmálafræði

### BA í miðlun og almannatengslum

Umsóknarfrestur er til 15. júní



HÁSKÓLINN Á BIFRÖST

- fyrir þá sem ætla lengra